

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Libido carpendi & obtrectandi.

[urn:nbn:de:hbz:466:1-68709](#)

hendit. Etenim cūm Neptunus *taurum* effinxisset; Minērva *domum* exstruxisset, Vulcanus *hominem* efformāset; nihil non reprehensione dignum invenit. De *tauro* censuit, rectius acturum fuisse ejus compositorem, si cornua infra oculos animali inservisset, quōd illis certius ute-
retur juxta directionem oculorum & ductum; deinde si cornua in ar-
mis potiūs tauri, quām capite collocāset, videbatur multò majore vi
percussurus fuisse, toto enim corpore in pugnas ac vulnera incubuisset.
In hominis autem fabrica culpavit, quōd in pectore deesset fenestra, quōd
recessus illius abditū pervideri possent; cūm constet multos alia loqui,
alia sentire. Minervae *domum* vitii arguit, quōd eam non effecisset trū-
satilem, quæque facile posset circumagi, si fortè malum haberet vicinum.
In Venere quidem, dearum omnium venustissima, cūm aliud vitupera-
re nihil posset, reprehendit strepitum & stridorem ejus sandalii; unde
locus adagio factus: *Momo satisfacere*: cūm vita alicujus est inculpa-
tior, quām vel Momus ipse possit carpere.

Ethica.

I. (a) Quōd Momus Venerem à Divis omnibus laudatam male-
dico dente admorderit, ob stridulos calceos, significatur, rudes plerum-
que & obscuros Noctis filios illa carpere in aliis, quæ nullam reprehen-
sionem merentur; quid enim vilius, quām ad stridorem sandalii atten-
dere? Nimirum, quæ suo nequeunt ipsi ingenio assequi, tanquam vi-
tiosa perstringere non verentur; judicio quidem tam præpostero, ut ri-
sum moveant, aut indignationem prudentibus. Momus aliorum deo-
rum carpebat opera; ipse interim nihil elaborabat laude dignum, id
commune vitium est illis, qui stantes in littore, contemplantur in alto
navigantes, examinant consilia, ventorum exceptiones, velorum obli-
quationes, clavi moderamina, remigantium laborem, fluctuum assul-
tus, navis concussions, & omnia crispa nare traducunt; quibus obji-
cias illud Comicum: *Tu si hic sis, aliter loquare.* Aliud est remum du-
cere, aliud remiges censere. Nec temerè Momus dicitur esse *Somni* fi-
lius; nam quidquid hujusmodi malè feriati carptores somniant, id pro
oraculis habent, unde turbinato capiti suo responsa petunt & argumen-
ta ad maledicendi virulentiam ore, calamōve spargendam. Momus,
teste Mythologo, cognomine vocabatur *Strygius* à στρύγειν, *odi*, quōd diis
pariter & mortalibus summè esset odiosus, parceret nemini, & dentem

Ooooo

in

(a) *Libido carpendi & obtristandi.*



in quosvis stringeret, sacra pariter, humanaque Iudibrio habens. Qualis obtrectator & religionum derisor fuit *Lucianus* ille Samosatensis, qui vixit sub Trajano Principe; primò Christi cultor, postea deterimus fidei orthodoxæ desertor: improbitatis scurrilis meritas dedit poenas, quando canum morsibus dilaceratus, in eo, in quo peccavit, punitus est: vindices dentes mordendo provocavit. Momi quoque discipulus fuit *Theon* poëta quidam, rabiosæ loquacitatis, & maledicentia petulantissimæ: unde *Theonino* dente rodi dicuntur, qui convitiis lacerantur. Horat. in epod.

----- dente *Theonino* qui circumroditur.

Zoili quoque mordacitas in proverbium venit. Fuit is Sophista quidam, Ampholianus patria, (ut *Ælian* tradit lib. 11. variae hist. c. 10.) hoc potissimum facinore nobilitatus, quod Homerum, poëtarum principem, ausus est libris aliquot in eum scriptis incessere; unde *Homeromastigis* appellationem meruit, id est, qui flagellârit Homerum; sed non minus stulte & vesanè, quam Ajax, quando flagello sœviens, putabat se verbera intorquere Agamemnoni, & ceteris exercitus Græci principibus; cum tamen in pecudes furorem suum effunderet. In Platonem quoque & alios stylum strinxit; unde dictus est κύων πτολεμός, *cannis rhetoricus*. Tandem in præmium maledicentia, jussu Ptolemæi Philadelphi, regis Ægypti, cruci affixus, vel ut alii produnt, Scironis de faxis præcipitatus est. Aliqui *Smyrnae* vivum exustum volunt. Ejus malignam naturam & ridiculos mores sic describit *Ælian*. Barbam, ait, alebat submissam, caput usque ad cutem radebat, pallium ei supra genua pendebat: studiosus male loquendi, ferendis litibus operam sedulam dabat, καὶ φορεῖς ἦν ὁ καροδίμων, contumeliosus erat & calumniator. Is rogatus, cur de omnibus malè loqueretur, respondit: ποιῆσαι ναῦς βυθόμενος, & δύναμαι; male facere cum velim, non possum. Infelix & infame ejus nomen propagatum est in quosvis obtrectatores, invidos, maledicos, mordaces. Ovid. 2. de remed. amoris:

Ingenio magni livor detrectat Homeri,

Quisquis es, ex illo, Zoile, nomen habes.

Martialis sub Zoili nomine homines quosdam sordidos & absurdos diversis in epigrammati acriter perstringit. Libro 12. in quendam Zoi-lum falso ludit.

Crine ruber, niger ore, brevis pede, lumine laesus,

Rem magnam præstas, Zoile, si bonus es.

EAT



Est enim vultus plerumque index mentis, & lineamenta corporis argumenta animi; liberalis & honesta facies, liberalem & honestum arguit animum, prava pravum. Qualis in Zoilo primo apparebat, à quo deinde formam corporis, animique traxere nepotes.

II. (b) Ad Momos & Zoilos aggregandus est *Timon*, Atheniensis ortu, cognomento μισάνδρωπος, seu, *hominum osor*. Hic omnibus videbat, actiones omnium arrodebat, nullorum hominum homo; hominum vestigia quoque vitans; soli Alcibiadi adolescenti familiaris; quod mirantibus, caussāmque roganibus, respondebat: Hic adolescens Atheniensibus suo tempore ingens conflabit malum. Ejus epitaphium hoc fuit: *Hic sum post vitam miseram, inopemque sepultus: Nomen ne queras: Dii, lector, te male perdant.* Arborem is in suo horto consitam habebat, quām erat succisurus, idcirco prius evulgari voluit: arborem sibi esse, in qua se aliquot miserorum hominum suspenderint. Nunc illum esse succidendam, ideoque properandum illi, qui sui in ea suspedium cogitaret. Digni me herculē homuli, qui, quod nominatus grammarius imprecatur cuidam:

Omnibus invideas, Nævole nemo tibi.

Alienæ felicitatis invidiā torqueantur; ipsi verò desperatione meliorum, ringantur ut canes, & cùm male facere non queant, male dicendi libidine acerbent vitam.

III. (c) Prudentissimè monet poëta:

Loripedem rectū derideat, æthiopem albus.

Adagione teritur: *longo, vel adunco suspendere naso.* Sed aliud est nasatum, aliud nasutum esse. Irridet Martialis Tongilianum quendam, qui ob carpendi licentiam videbatur sibi nasutissimus; cùm tamen penitus à judicio aberrarit, totusque à suomet ipse naso suspensus fuerit:

Tongilianus haber nasum scio: non nego; sed jam

Nil præter nasum Tongilianus habet. lib. 12.

Erat enim homini nasus æquō porrectior; & qui censoriè judicabat alios, ipsi suus ludibrio fuit nasus. In eodem libro exagitat alium, qui nimis uncis indulgebat naribus, & nasum habebat,

Quantum noluerit ferre rogatus Atlas.

Non ideo tamen emuncta naris erat, etsi nasonem se posset dicere. Imò illi quoque, qui nasum cubito tergunt, censoriam sibi dicitatatem arrogant. Eodem poëta teste:

Et pueri nasum Rhinocerotis habent.

Oooo 2

Aut

(b) Osores hominum. (c) Censores aliorum.